

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城

在文川网搜索古籍书城 获取更多电子书

docserver 文川网
入驻商家 古籍书城 获取更多电子书
在文川网搜索古籍书城

中國方志叢書·華北地方·第五四〇號

據 明正德十四年刊本

影印

陝西 省

朝邑縣志



560.1075

成文出版社有限公司印行



中華民國六十五年 月壹一版

朝邑縣志

全 冊

發行人：**黃 成 助**

出版者：**成文出版社有限公司**

台北市郵政信箱二二六〇五號
台北市羅斯福路三段二四〇巷五號

印刷者：**成文出版社有限公司**

內政部登記證內版台業字第一一四七號

韓五泉先生著

朝邑縣志

同義文會藏板

docsriver 文川网
入驻商家 古籍书城

在文川网搜索古籍书城 获取更多电子书

docsriver.com商家古籍书城

朝邑縣志序

余讀朝邑志蓋將極天下之撰矣然蓋繁而不缺詳晦而不能白亂而不能理焉此安在於志邪夫志者記也記其風土

文獻之事與官乎是郡
邑者可以備極其改革
省見其疾苦景行其已
行察識其政治使天下
為士大夫者讀之足以
興為郡邑者讀之足以

以勸而已然非以誇靈據
之造崇獎飾之細也而
撰者之志每不皆若此
焉且何以觀也朝冕令
陵川王君蒞縣之明年
以五泉韓子汝慶所撰

朝邑志刻成謂予宜序
諸首予贊五泉子之志
矣而歎焉曰嗟乎此吾
五泉子之所以為志也
歟置物沿華與山川
蹟官署諸事惟歸諸德

志此天下之所通見而不
能裁者斯予之所謂繁
而不詳晦而不白亂而
不理者矣今畢以及之
矣名宦所以志其官
歸之行事人物所以

備其豪俊之餘烈其恐
猶有所遺而末盡也拾
之以雜記閑卷之隙凡
川源沿革之彙文獻散
失之舊管縷陳而無憾
矣使郡邑之志比官署

其奚有不可也王君名
道字純甫作易与陆先
事于此，可以激其良
也

正德己卯九月十八
日己酉薛西山人康海

序

朝邑縣志序

朝邑舊有志然不載高御史
及劉烈女事二人者代不數
人顧可弗錄邪非也竒異如
程濟善終如周或寵任如楊
恭迺畧而不書沮水入渭蓋

數千歲近時迺徑入河川源
改革此其大者而弗著後之
人何考焉他可知矣縣尹陵
川王君曰是志且不傳然烏
可以但已邪迺以五泉韓子
韓子於是乎編焉夫昔人之

為朝邑志也豈不自以為善
哉然後之人迺有議而更之
者豈非一人之見有時而窮
邪今之志如斯也夫今人之
見猶昔人也夫其繁簡取與
之間其可議者吾不知其有

幾也後之君子各以其所見
刪補而更正之猶今日焉斯
為全志矣豈不善歟今志凡
七篇

正德己卯二月六日五泉韓
邦靖書

朝邑縣志目錄

一卷 凡四篇

總志第一

風俗第二

物產第三

田賦第四

二卷 凡三篇

名宦第五

人物第六

docsriver 文川网
入驻商家 古籍书城

在文川网搜索古籍书城 获取更多电子书

雜記第七

朝邑縣志目錄終

朝邑縣志卷一

總志第一

朝邑爲縣起自西魏以據朝坂故名朝邑古爲冀州之地
殷周時爲芮國有大荔戎秦厲恭公伐大荔取其王城築
高壘以臨晉國更名臨晉後晉奪河西之地乃以屬晉魏
獻河西之地于秦乃復入秦漢爲臨晉縣隸左馮翊有河
水祠有芮鄉晉亦爲臨晉縣又爲左馮翊治後魏分置南
五泉縣隋置長春宮尋復爲朝邑縣唐亦爲朝邑縣有河
水祠西海祠武德中析爲河濱縣又爲河西縣以隸河中

府大曆中復爲朝邑縣隸同州迄今因爲而以隸陝西西
安府同州于天文爲參之分野東有大慶關又東至于河
東爲蒲州蒲州者山西屬州也西有鐵鐮山又西有高陽
城又西至于干輿鋪西爲同州北有長春宮又北有苦泉
又北至于金水河北爲郃陽南有漆沮又南有太白池又
南有麻子池又南至于渭南爲華陰西南有沙苑城又有
九龍池戶凡八十二里成化末歲大饑民多餓死又多亡
去乃更爲七十二里正德五年又去其七里今爲六十五
里云縣先在西原上有相地者云城居高而左下法不利

知縣後其言稍稍驗乃更移置原下然無城景泰初知縣申潤築焉方三里有竒東門一西門二北無門南門一城中東偏爲縣衙縣衙南爲西安行府府南爲儒學文廟在焉儒學南爲按察分司西爲布政分司布政分司北爲城隍廟城隍廟北爲陰陽學及醫學倉凡三所一在縣一在學一在城西原上壇凡三所社稷壇在城西北山川壇在城南邑厲壇在城北草場二所一在城西一在山川壇東養濟院在城南教場在城東桑棗園在教場西漏澤園在山川壇南舖凡一十八所在城者一城西者二城東者三


城南者三城北者五西北者三社學凡三十所一在城一
在柳村一在新市鎮一在趙渡鎮一在趙村一在南陽洪
一在永興鎮一在大慶關一在白塚一在龍池一在龍門
村一在白村一在辛城寨一在兩女鎮一在倉頭一在救
駕庄一在許村一在顧現一在延壽一在王家庄一在八
里庄一在泊子村一在嚴伯一在步昌一在苦泉鎮一在
霸城一在小伏坡一在白池一在小村
大慶關在縣東三十里卽古蒲津關今設巡檢司隸潼關
衛又置稅課局關東卽黃河西岸岸去水不甚高然不溢

他處或高四五丈輒溢土人以爲鐵牛鎮河故不溢鐵牛者唐時鑄鐵爲牛置河兩岸岸各四牛各重數萬斤下爲鐵山尾施鐵軸以繫浮橋旁置鐵人以象繫牛宋嘉祐中河漲橋壞盡曳西岸牛於河元有僧懷丙者乃爲機法取牛河中已得三牛會有言取牛不難者丙怒棄去後人用其法取牛然牛竟不出今西岸止存三牛其一牛乃在河中始河漲時并壞岸元鐵判院全僉條築焉西北爲大荔戎城卽王城左傳陰飴甥與秦伯盟於王城卽此地後改爲武鄉今廢唐元宗過蒲關詩云鐘鼓巖更曙山河野望

通鳴鑾下蒲坂飛蓋入秦中地險關愈壯天平鎮尙雄春
來津樹合月落成樓空馬色分朝景鷄聲逐曉風所希常
道秦非復候繡同

漆沮一名洛水自耀州同官縣來至朝邑東南三十里入
渭成化中乃崩入河水北有新市鎮宋元置稅監又有饒
益寺寺中舊有藏春塢貯古名賢石刻今不存獨殿壁上有
有宋賈炎諸人題名石金趙抃記曰左馮之東南踰三十
里縣曰朝邑由縣之直南林木蒼鬱小徑縈紆約有十里
有鎮曰新市鎮有寺曰饒益乃陝右之名藍也路當秦晉

要衝枕山河之形勢自唐宋以來名臣賢士經由往返莫
不脫駕投憫于此或題名于壁或留詩于碑不可勝數前
後主僧慮歲漫滅悉勒之于石寺遭兵火焚毀殆盡如前
人石刻往往埋沒于頽垣遺基之下抃承乏命領鎮事至
此恨不及見饒益全盛之時實爲不足每暇日命童僕事
鐫築搜抉于荆榛瓦礫之間雖獲名公大臣之行記詩刻
例皆斷折訛缺讀之令人悲惋卽其稍完者萃而置之于
藏春塢壁巽後之游觀者興葺之不啻然周覽環視必思
其人焉時阜昌癸丑九月初一日東萊新市監趙抃記



馬坊頭在縣西南十五里唐朱沙苑牧馬及上供牛羊皆置監于其地

沙苑城在馬坊頭西廣可數十里卽宇文泰敗高歡唐王重榮敗邠寧朱玫處今泰所種柳不存低凹處乃多白楊太白池在馬坊頭西南三里池周回可十餘里洞然深黑其上常有雲氣亦能致雨池中有大鯿常食飲馬人以爲神池北爲蓮池麻子池在太白池正北五里池回長可二十里多蓮開花爛然映雲日池東南有安靖寺唐元宗祀汾時駐驛寺中今殿前有大柏樹懸宋崇寧中所鑄鍾九

龍池在縣西二十五里池東有霸城寺寺東北有靈應觀仙人張三丰嘗憩觀中今爲道會司自九龍池東至于趙渡鎮漆沮經焉濱水皆種桃樹二三月時兩岸桃花紛然三十里不絕

長春宮在縣西北原上後周宇文護所築隋文帝置殿其上以瞰河華洛渭宮下花木四時茂盛如春故名長春唐高祖起兵大原西定長安休士於此東有金龍寺僧會司在焉西有元王由義墓南有唐嚴謨墓墓旁卽謨祠

善泉在縣西北四十五里以飲羊不羶南有唐同州刺史

姜帥度通靈陂陂故溉田百餘頃今廢又南有元戈平章
耳社寨

金水河在昔泉東北五里自郃陽縣來舊嘗引水灌田今
廢北爲夏陽卽韓信木罌渡處

風俗第二

語曰至治之極國無殊俗今

天子神靈海內一統烏有所謂異俗者哉然閭閻趨向節
序往來羶戲之間則有與他處異者秦民皆力農朝邑頗
事賈婚姻論財仕者尙廉有氣前輩盡然今少衰焉元日

樹紙竿接天神以麻縛木炭置門上云吉利二日婿往拜
婦家五日以故絲紙爲婦人戊夜乃出婦人送窮二十三
日置煎餅屋上補天是日仍不得食米清明婦女盡出遊
觀三日乃已不得舉女工云卽舉之且盲四月朔日男女
戴皂角葉已頭痛五月五日六月六日七月七日九月九
日迎女之已嫁者臘月五日食五色煮豆豆者毒也食之
已五毒

物產第三

朝邑無他奇產產獨服食他處俱有者不載載其美者多

docsriver 文川网
入驻商家 古籍书城

在文川网搜索古籍书城 获取更多电子书